

PAULO TÛ CARTA HAN: TIMÓTEO MÛ CARTA VE

1 ¹Paulo tÛ rá vë. Topë ne inh kuprëg ja nĩ', ãg kren han tĩ ti. Isÿ tÛ Jesus Cristo apóstolo jë jé tóg inh fëg ja nĩ. Ti hã ve sór ãg tóg mü, Jesus Cristo ti. ²Isÿ inh kósin tÛ Timóteo mÛ rán hã vë. TÛ ã inh kósin pë ri ke nĩ, ã tÛ isugrĩn Topë vĩ kri fin kÿ. Ëg jóg tÛ Topë mÛ sóg to vĩ tĩ, ti tÛ ã tar han jé, ti tÛ ã jagãgtãn jé, ti tÛ ã krĩ kuprã han jé, ãg Senhor tÛ Jesus Cristo ti ke gé.

Ëg tÛ vyrmÿ vënh vĩ jëmë sór ke tũ

³Isÿ cidade tÛ Éfeso tá kãkutë kÿ ga tÛ Macedônia ra tũg kÿ sóg ã mÛ to vĩ, ã tÛ ver Éfeso tá ke ag ki rĩr jé. ã mÛ sóg tó, ã tÛ tá nÿtĩ ag jyvën jé. Ón kÿ ag tóg Topë jykre kãmén sór tĩ. Tag to ag mÛ: “han tũg nĩ,” hemnĩ. ⁴Topë jykre to vãnh kÿ ag tóg vyrmÿ nén ù ù to jykrén sór mü, hã vÿ: kanhkã tãn tÛ ó, he mü, kar ag tóg gufã ag jiji tó sór mü gé. Ag tÛ nén tó mü ãn tó kãn ke tũ ãg tóg nĩ. Tag to jagnë vĩ kafãn mü vÿ kutë tĩ. Ëg pi(jé) tag tÛ Topë jykre han tĩ'. Topë jykrén hã vë, hã vÿ: vënh kar tÛ ti ki rã, he mü.

⁵Ëg tÛ Topë jykre han kÿ ãg tóg jagnë to há tävĩ nÿtĩ, ãg fe kar tÛ, kÿ ãg tóg jagnë mÛ vënh jykre pir han tĩ gé, ti ki rã há han jé ãg tóg ke mü gé. ⁶Tá ke ù ag tóg vënh jykre há tag togvãnh, kÿ ag tóg véké vëmén mü nĩ ha. Ag tÛ kygnën hã vë. ⁷Topë tÛ vãsÿ ãg jyvën tĩ ãn tÛ ag tóg ãjag kanhrãn sór tĩ, ag tÛ ki kagtũg (hã) ra. Ón kÿ ag tóg tó tĩ, ag tÛ ki kagtũg nÿtĩn kÿ. Topë vĩ kãmén sór ag tóg tĩ, to ag tóg: “tag to ke vë,” he tĩ, ag tÛ ki kagtũg nÿtĩn kÿ.

⁸Ag jãvo ãg tóg ki kanhró nÿtĩ, Topë tÛ vãsÿ ãg jyvën tĩ ãn há nĩ ti. Ëg tÛ to jykrén há han kÿ ãg tóg ti há nĩ vëg tĩ. ⁹Topë pi(jé) ù tÛ ti vĩ ki króm mü ag tugrĩn ãg jyvën ja nĩgtĩ'. Û tÛ vënh jykre kuryj han vãnh ãn ag tugnĩn ken hã vë, ù tÛ ti vĩ han sór tũ ag tugrĩn, ù tÛ Topë to é he mü ag tugrĩn, ù tÛ ti vĩ mranh mü ag tugrĩn, ù tÛ ti ki kanhrãn sór vãnh ag tugnĩn, ù tÛ vënh jykre pãno han mü ag tugrĩn ke gé. Û tÛ ge ag vÿ ãjag panh tén tĩ, ãjag mÿnh tén ag tóg tĩ, jagnë kãgtén ag tóg tĩ, ¹⁰ãjag prũ tũ fag mré ag tóg nÿ tĩ, ãjag mén tũ ag mré fag tóg nÿ tĩ, jagnë ki vÿn ke ag tóg tĩ, jagnë vëne he ag tóg tĩ, jagnë mÛ ag tóg ón tĩ, jagnë to ag tóg ón tĩ gé, vënh jykre pãno kar han ag tóg tĩ, Topë tÛ nén ù to: “kórëg ti nĩ,” he mü ãn han

kān ag tóg tī. ¹¹Ū tỹ tag han mū tugnīn tóg ěg jyvĕn ja nī, Topĕ ti, ěg tỹ han tũg jĕ. Ti hā vỹ ěg mỹ vĕnh vī sĕr tó ja nĩgtī, ti hā vỹ inh mỹ to: “ha vĕnh kar mỹ tónh tũg,” he ja nī!. Topĕ hā ne ā pir mỹ há nī!. Jāvo ag tóg ti vī tag kato tĕ ti.

Topĕ tỹ ěg jagāgtān sór

¹²Ěg Senhor tỹ Jesus Cristo ne isar han tī!, hā kỹ sóg ti hā mỹ vī há han tī. Ti hā ne iso jykrĕn kỹ inh kuprĕg!, sỹ ti rānhrāj han jĕ, kỹ tóg vĕg mū, sỹ to tar nī ti, ti tỹ isar han kỹ. ¹³Sỹ tá krỹg ke tũ vĕ vĕ, isỹ ti rānhrāj han jĕ. Vāsỹ sóg ti mỹ vī kónān ja nĩgtī, ti vóg kónān ja sóg nĩgtī, ti to jũ pĕ han ja sóg nĩgtī gĕ. Hā ra sóg ti ki kagtīg nī ja nĩgtī, kỹ sóg ti ki rā sór ja tũ nĩgtī gĕ. Hā kỹ tóg inh jagāgtān, sỹ ti ki rā jĕ. ¹⁴Inh jagāgtān há tāvī han tóg, ěg Senhor ti, hā kỹ sóg ti ki rā há han, kỹ sóg ti to há tāvī nī gĕ, Jesus Cristo to.

¹⁵Tag vỹ tỹ vĕnh vī há nī, ha mĕ, kỹ vĕnh kar tỹ tag to há nỹtī ran jĕ há tī vĕ, hā vỹ: Jesus Cristo vỹ ga kri mur, ti tỹ Topĕ vī mranh tī ag kren han jĕ, he mū. Topĕ vī mranh tī ag kar kórĕg káfór vỹ tỹ inh nī. ¹⁶Hā kỹ tóg inh jagāgtān ja nī gĕ. Jesus Cristo tỹ vĕnh kar mỹ ven sór vĕ, ti tỹ Topĕ vī mranh tī ag jagāgtān sór mū ti. Hā kỹ tóg inh jagāgtān, sỹ ũ tỹ ti vī mranh mū ag káfór han ja hā ra. Kỹ vĕnh kar tóg inh ve kỹ Topĕ tỹ ag to há ki kanhró nỹtīnh mū. Vĕnh kar vỹ ěg rīr krỹg ja tũ venh ke mū, ěg tỹ ti ki ge kỹ.

¹⁷Topĕ hā ne ā pir mỹ tỹ pā'i mág nī!. A tỹ nĕn kar han to tóg nī nī, kỹ tóg ter ke tũ nī gĕ. Ti vĕg tũ ěg tóg nĩgtī. Ā pir mỹ tóg tỹ Topĕ nī. Kỹ ěg tóg ti hā mỹ vī há han ke mū, ti to ke gĕ. Ti mỹ vī há han ke tag tóg tũg! henh ke tũ nī gĕ. Amém.

Timóteo rānhrāj

¹⁸Timóteo!, inh kósīn vỹ tỹ ā nī. Sỹ ā mỹ ā rānhrāj tag nīm vĕ. Vāsỹ ā tóg mĕ ja nī, Topĕ vī tó ti ag tỹ ā to nĕn tó ja ti. Kỹ ag vī mī ěkrĕ. Soldado tỹ ā rānhrāj to vāsān ri ke han kỹ ā jĕ nī, Topĕ vī tó kỹ. Topĕ vī tó ti ag vī vỹ ā tar han ke mū, ā tỹ ā rānhrāj to vāsān há han jĕ. ¹⁹Ti ki rā to krónh ke tũg nī. Ā fe kavĕnh sór tũg nī. Ū ag tóg ājag fe kavĕnh ja nĩgtī. Hā ra ag tóg kykũnh sór ja tũ nĩgtī, ag fe kavĕj ti. Hā kỹ ag tóg ti ki rā kỹ tī tovānh tī, kỹ tóg ěg barco tỹ goj ki pun ke ri ke nī. ²⁰Ag kāmī ũ vỹ tỹ Himeneu nī, Alexandre ti ke gĕ. Topĕ to é he ag tóg mū ha ũri, hā kỹ sóg Satanás mỹ ag vīn, ti tỹ ag vóg kónān jĕ. Satanás tỹ ag vóg kónān tugrīn ag hỹn ki kanhrān ke mū, ěg tỹ Topĕ to é henh ke tũ ti.

Igreja krĕm vĕnh jykre

2 ¹Ā tỹ ā tũ ag jyvĕn kỹ ag mỹ ag tỹ Topĕ mrĕ vĕmĕn ke hā tómnī. Ag mỹ: “Topĕ mrĕ vĕmĕn e han nī,” hemnī. “Ti mỹ nĕn ũ kar to vīmī, vĕnh kar jagfy vīmī, ti mrĕ, ti mỹ nĕn ũ kar to: “há ti nī,” hemnī gĕ,” hemnī ag mỹ. ²Pā'i mág ag jagfy Topĕ mrĕ vīmī gĕ, pā'i kar ag to ke gĕ. Kỹ ag tóg jatun nỹtī. Kỹ ěg tóg jatun mỹ ag krĕm nỹtīn kỹ ěg rānhrāj nón mũnh ke mū gĕ, ěg tỹ Topĕ to há nỹtīn kỹ, ěg tỹ jagnĕ to há nỹtīn kỹ ke gĕ. ³Topĕ mỹ tóg há nī, tag ti, ũ tỹ ěg kren han tī ti mỹ, ti mỹ tóg sĕr tī. ⁴Ti tỹ tag han sór vĕ, ha mĕ: ěprā ke ag krenkren

han sór tóg mũ, vènh kar tỹ ti tỹ ki hã tó mũ tag mẽ han kãn jé. ⁵Pir ti nĩ, Topẽ ti. Pir ti nĩ gé, ù tỹ Topẽ mré ãg jagfy vĩ mũ ti, hã vỹ: ãg mré ke tỹ Jesus Cristo, he mũ, ù tỹ ãg ri ke mur ja ãn ti. ⁶Ti hã ne vènh fẽg!, ti tỹ vènh kar kygãm jé. Topẽ tỹ ti mỹ kurã nĩm ãn kã ke ja vè. Kỹ vènh kar vỹ mẽnh ke mũ, ù tỹ ve ja ag vĩ ti. ⁷Hã kỹ tóg inh mỹ: “ha vènh kar mỹ tónh tĩg,” he ja nĩ. Sỹ tỹ ti apóstolo jé jé tóg inh kuprẽg, hã kỹ sóg tó mũ. Ki hã sóg tó mũ. Inh pi(jé) ón mũ! Fóg ag to tóg inh jẽnẽ, kanhgág ag to ke gé, sỹ ag mỹ vènh vỹ há tó jé, ag tỹ Topẽ ki ge jé gé.

⁸Kỹ tá Jesus ki ge kỹ nỹti ag mỹ tómnĩ, ag kar tỹ igreja krẽm Topẽ mré vēmén jé. Hã ra tóg há tũ nĩ, ù tỹ ã jykre pãno tovãnh sór tũ nĩn kỹ, ti tỹ Topẽ mré vēmén mũ (hã) ra. Ag tỹ Topẽ mré vēmén kỹ ag tóg ãjag jũ tovãnh ke mũ, ag tỹ ùn kato tẽ mũ ag tovãnh jé ag tóg ke mũ gé. Tag tómnĩ ag mỹ.

⁹⁻¹⁰Kỹ ùn týtá fag vỹ ge nỹtinh mũ gé, ãjag tỹ vènh mãn kỹ nỹtĩn kỹ. Fag sĩnvĩ han jafã vỹ tỹ fag jykre kuryj nĩ. Fag tũ hã vè. Tag han kỹ ãg tóg vèg mũ, fag tỹ Topẽ to há nỹti ti. Kur to mỹ'ãg tí ra rãnh ke tũ fag nĩ hã ra. Fag tỹ ãjag kur tỹ vèsĩ tãvĩ han tí to ken hã vè, fag gãnh to ke gé. Pi(jé) há nĩ!, fag tỹ brinco mág tỹ veso vin kỹ, jãnka e tỹ veso sa kỹ, kur kaja e tu kỹ, fag tỹ nén kar kaja e gènh kỹ tóg há tũ nĩ, fag tỹ tỹ vèsĩ tãvĩ han kỹ. Fag kur há vỹ há nĩ, kur sĩnvĩ ti.

¹¹Ãjag tỹ vènh mãn kỹ nỹtĩn kỹ fag vỹ vĩnh ke tũ nĩ. Mẽ tãvĩ han jé fag tóg ke mũ, fag tỹ tỹ ag krẽm ke nỹtĩn kỹ. ¹²Fag tỹ ag mỹ vènh jykre nĩm kỹ tóg há tũ nĩ. Fi tỹ fi mén krĩn sór nĩn kỹ tóg kórég nĩ gé. Fag tỹ ãmẽ kã nỹtĩn kỹ tóg há tí. ¹³Tag to jykrén nĩ, ha mẽ. Topẽ tỹ ùn han vén mũ vỹ tỹ Adão nĩ, kar kỹ Eva fi. Ti tỹ tỹ fi kri ke to ken hã vè. ¹⁴Kỹ Japo tỹ ùn krĩn kónãn mũ fi vỹ tỹ fi nĩ ja nĩgtĩ. Adão pijé!. Fi hã ne Topẽ vỹ mranh vén!, kỹ tóg fi nón mranh ja nĩgtĩ gé, Adão ti. Hã kỹ tóg há tũ nĩ, fag tỹ ag krĩn sór kỹ. ¹⁵Hã ra fag krenkren ke mũ gé, fag krẽ mré hã. Kỹ tóg há nĩ, fag tỹ Jesus tovãnh sór tũ nỹtĩn kỹ, fag tỹ ti to há nỹtĩn kỹ, jagnẽ to há ke gé, fag tỹ tỹ ti tũ nỹtĩn kỹ. Fag krĩ há nỹtĩn kỹ tóg há tí.

Igreja to pã'i mág

3 ¹Sỹ ke há vè, ha mẽ. ù tỹ igreja to tỹ pã'i mág nĩ sór kỹ tóg vènh rãnhràj mág han ke mũ. ²Hã ra igreja to pã'i mág vỹ ge jènh mũ, sỹ ã mỹ ti jykre kãmén ke vè, ha mẽ. ù tỹ kygnẽ tũ vỹ há nĩ, ù tỹ prũ pir han kỹ nĩ, ù tỹ nén ù há to jykrén mũ, ù tỹ veso jykrén mũ, ù tỹ kór há tá ke ag mỹ: “inh mré nĩnh kãtĩg,” he tí, ù tỹ ag kanhrãn há han tí, ³ù tỹ vinho kron (ka) mẽ tũ, ù tỹ ã fe tỹ gỹm ke vãnh, ù tỹ vènh kar mỹ komẽr hã vĩ tí, ù tỹ vènh kar krĩ kuprã nĩ ve sór tí, ù tỹ rico nĩ sór vãnh, ⁴ù tỹ ã ãn krẽm nỹti fag ki rĩr há han tí, ù tỹ ã krẽ jyvẽn há han tí, ti krẽ ag tỹ ti kamẽg jé. ⁵ù tỹ ã ãn krẽm nỹti fag ki rĩr há han tũ nĩ tóg igreja krẽm ke ag ki rĩr há han ke tũ nĩ gé. ⁶ù tỹ Jesus ki rã tãg tóg tỹ pã'i jènh ke tũ nĩ ver, ke tũ nĩ mũ ra tóg inh mỹ ti tỹ: “tỹ sóg ùn mág nĩ,” henh ha mẽ tí, kỹ tóg inh mỹ ti tỹ Japo jykre han ha mẽ tí, Japo tỹ ti krĩn kỹ. Kỹ Topẽ tóg ti vóg kónãn ke mũ. ⁷Vènh kar tỹ igreja to pã'i to vỹ há han kỹ tóg há tí, ù tỹ Jesus ki ge tũ ag mré hã. Kỹ tóg mỹ'ãg ke tũ nĩ, ti tỹ kygnẽg tũ nĩn kỹ. Kỹ tóg Japo jykre han mãn sór ke tũ nĩ gé. Hã kỹ ùn há tãvĩ vỹ tỹ pã'i jènh mũ.

Igreja to pā'i kāsir

⁸Kỹ igreja to pā'i kāsir ag vỹ nỹtĩ gé. Ũ tỹ ge ag vỹ vėnh jykre há han kỹ nỹtĩnh mũ gé, vėnh vĩ pir han kỹ nĩ, vinho kron mág tũ, nén ũ to én ke tũ, rico nỹtĩ sór ke tũ. ⁹Topě vỹ ěg mỹ vėnh vĩ jėnė, ěg tỹ ti ki rā jé, ěg tỹ ti vĩ tag to krónh ke tũ nỹtĩ jé, ěg tỹ ěg fe kavėnh tũ nĩ jé gé. Ag tỹ ti vĩ tag to tar nỹtĩnh ke vė, igreja to pā'i kāsir ag. ¹⁰Ũ tỹ Jesus ki rā tǎg nĩ kỹ tóg ver tỹ pā'i nĩnh ke tũ nĩ, ěg tỹ ver ti jykre ven jé. Ti tỹ kygnėg tũ nĩnh kỹ tóg há tĩ, ti tỹ tỹ pā'i nĩnh ke ti.

¹¹Kỹ ag prũ fag vỹ ge nỹtĩnh mũ gé. Fag tỹ nén ũ há han kǎn kỹ tóg há tĩ. Kỹ tóg há tĩ gé, fag tỹ ũ mỹ vĩ kónǎn tũ nĩnh kỹ, fag tỹ nén ũ há kar to jykren kỹ, fag tỹ fag rǎnhrǎj ki rĩr há han kỹ.

¹²Igreja to pā'i sĩ vỹ prũ pir han kỹ nĩnh mũ gé, kỹ tóg ǎ krė kanhrǎn há han ke mũ gé, kỹ tóg ǎ ĩn krėm nỹtĩ fag ki rĩr há han ke mũ gé. ¹³Ũ tỹ ǎ rǎnhrǎj tag ki rĩr há han kỹ tóg tỹ ũn mág jėnh mũ. Jesus Cristo ki rā kỹ tóg jėnh mũ, kỹ tóg Topě to kanė jur mǎn ke tũ nĩ, jatun mỹ tóg nĩnh mũ.

Jesus kǎme

¹⁴ǎ mỹ sóg vėnh rá tag han mũ, hǎ ra sóg kǎnhmar ǎ ve sór mũ. ¹⁵Hǎ ra sóg hėn ri ke mũn kǎtĩg vǎnh han ke mũ, kỹ ǎ tóg Topě jo ĩn krėm vėnh jykre ki kanhró nĩnh mũ. Hǎ jé sóg ǎ mỹ rǎn mũ. Topě vỹ rĩr jė. Ti tũ vỹ tỹ ěg nỹtĩ, ũ tỹ ti ki ge kỹ nỹtĩ ag. ěg hǎ vỹ vėnh vĩ há hǎ tó tĩ, Topě vĩ to, vėnh kar tỹ mē jé. ĩn nũna tugrĩn ĩn vỹ tar jė. Jǎvo ěg tugnĩn vėnh kar vỹ vėnh vĩ há ěn mėnh ke mũ. ¹⁶Ha vé, Topě tỹ ũri ěg mỹ nén tó mũ tag vỹ tỹ nén ũ há tǎvĩ nĩ. Vǎsỹ ag tóg mē ja tũ nĩ, ěg tỹ ũri mēg mũ tag ti. Ti jykren hǎ vė, ha mē:

Jesus Cristo vỹ ěg ri ke mur, ga kri, kỹ Topě tóg ti tỹ ũn mág han, tá, ti tỹ jykre kuryj nĩnh kỹ.

Kỹ tóg ǎ tỹ jėgnė jafǎ ag mỹ ti ven, kỹ ti mrė mũ tĩ ag vỹ povo kar mỹ ti tó.

Hǎ kỹ ga kri mũ ag vỹ ti ki ge mũ, kỹ Topě tóg kanhkǎ tá ti tỹ ũn mág han. ěg tỹ Jesus kǎmėn hǎ vė.

Ōn kỹ Topě kǎmėn tĩ ág

4 ¹Ha vé, Topě kuprĩg vỹ ěg mỹ nén ũ jagy tó tĩ, ha mē. Jesus kǎtĩg mǎn ke tỹ kakó ěn kǎ ũ ag nėji ti tovǎnh ke mũ, ag tỹ vėnh ó hǎ ki rā jé, Nėn-Kórėg ag jykre ki, Japo tỹ ag kanhrǎn mũn ki. ²Ũ tỹ Japo mrė ke ag vỹ un'ón tĩ, hǎ ra ag tóg ag vĩ jėmė kỹ Jesus tovǎnh ke mũ. Jykre rėgre han ag tóg tĩ, Japo mrė ke tag ag. Ājag fe kygvėnh ja ag nỹtĩgtĩ, kỹ ag tóg ki kagtĩg nỹtĩ ha, ag tỹ un'ón mũ ti. “Vėnh vĩ há vė,” he ag tóg tĩ, vėnh ó to. ³“Prũg tũg ra, mėn tũg ra,” he ag tóg tĩ. “Tag ko tũg ra,” he ag tóg tĩ gé, Topě tỹ nén han ja to. ěg tỹ Cristo ki ge há han kỹ, ěg tỹ ti vĩ kri fi kỹ ěg tóg ti hǎ mỹ to vĩ há han ke mũ, vėjėn to, kỹ ěg tóg nén kar konh ke mũ. ⁴Topě tỹ nén han mũ kar vỹ há nĩ. Kỹ ěg tỹ ti mỹ: “há ti nĩ, ǎ tỹ ěg mỹ vėjėn tag ven mũ ti,” hen kỹ ěg jatun mỹ konh ke mũ.

“Tag konh ke tũ inh nĩ,” henh ke tũ ěg tóg nĩ. ⁵Topě vĩ vỹ nén kar jãnhkri han tĩ, kỹ ěg tóg to Topě mré vēmén tĩ gé, kỹ ěg tóg jatun mỹ konh ke mũ.

Ěg mré ke kar ag kanhrãn nĩ

⁶Tag kar tómnĩ, ěg mré ke kar ag mỹ. Ag mỹ kãmén kỹ ã tóg Jesus Cristo rãnrhãj han há han mũ. Topě vĩ vỹ ã mỹ tỹ vĕjĕn ri ke ninh mũ, kỹ ã tóg tỹ tar jĕ, ã tỹ ti jykre mĩ tĩn kỹ. Ki kanhró ã tóg nĩ, Topě jykre ti, ěg tỹ ti ki rã kỹ nỹtĩ ti. ⁷Ū tóg vyrmỹ nén ũ to jykrén sór tĩ, tỹ vĕnh ó han kỹ, Topě vĩ ki rãn kỹ nĩ tũ ěn. Tag jĕmĕ sór tũg nĩ. Vĕnh jykre kuryj hã mĩ tũg nĩ, tag hã to tar nĩmnĩ. ⁸Kejĕn ěg tóg vãkrég tĩ. Ěg tỹ vãkre to tar nỹtĩn kỹ tóg há sĩ nĩ. Ěg tỹ jãvo vĕnh jykre kuryj kar to tar nỹtĩ tag vỹ há tãvĩ nĩ sir. Tag to ěg tóg tag mĩ mũ há han tĩ, kar ěg tóg tá mũ há han ke mũ gé. ⁹Tag vỹ tỹ vĕnh vĩ há nĩ, vĕnh jykre kuryj ti. Vĕnh jykre kuryj tỹ vĕnh kar mỹ há nĩ ra tóg há tĩ vĕ. ¹⁰Vĕnh jykre kuryj ve jé sóg rãnrhãj mũ, tag ve jé sóg vãsãn mũ. Topě hã ki ěg tóg nén ũ kar vĕg tĩ, hã kỹ sóg ti hã to vãsãn mũ. Rĩr ti nĩ, ěg jóg tỹ Topě ti. Ti hã ne ěg kren han tĩ!, vĕnh kar ag, ũ tỹ ti ki ge kỹ nỹti ag.

¹¹Tag kãmén nĩ, tag to vĕnh kar mỹ: “tag han ra,” hemnĩ. ¹²Kyrũ ã tóg jĕ. Ū jé ã to é he tũg, ã kyrũ jĕn kỹ. Nén kar há ěn han nĩ, ag tỹ ve jé, ag tỹ ã kóm han sór jé, ã vĩ ri ke ěn ti, ã tỹ nén han mũ ri ke, ã tỹ vĕnh kar to há nĩ ri ke, ã tỹ Jesus ki rã kỹ jĕ ri ke, ã tỹ nén ũ jãnhkri han ja ri ke ke gé. ¹³Inh kãtĩg ke to hã ã tỹ nén han tĩ ěn han tĩmnĩ ver. Ag mỹ Topě vĩ rãn to kemnĩ, ag jyvĕn nĩ, ag kanhrãn nĩ gé. ¹⁴Ěg jyvĕn tĩ ag ne ã mỹ tól, Topě tỹ nén to ã tar han ke ti, Topě kuprĩg tỹ ag krĩn kỹ, igreja to pã'i ag tỹ ãjag nĩgé tỹ ã kri fi ja ěn kã. ¹⁵Ag tỹ ã mỹ nén tó ja ěn tovãnh tũg nĩ. To jykrén nĩ, to tar nĩmnĩ, vĕnh kar tỹ ã tỹ to tar nĩ ěn ve jé. ¹⁶Vĕso jykrén nĩ, kỹ ã tỹ Topě vĩ tỹ ag kanhrãn ke ěn to jykrén nĩ gé, ã tỹ kygnĕ tũg jé. Tag to tar nĩmnĩ. Ā tỹ tag han kỹ ã kren ke mũ, kỹ ũ tỹ ã vĩ mĕg mũ ag vỹ krenkren ke mũ gé.

5 ¹Ūn si há ag mỹ vĩ tar han tũg nĩ. Komĕr hã ag jyvĕn nĩ, ěg tỹ ũ tỹ ěg han mũ ěn mré vĩ ri ke han nĩ, ã tỹ ũn si há ag mré vēmén kỹ. Ā tỹ kyrũ ag jyvĕn kỹ ěg tỹ ěg jãvy ag jyvĕn ri ke han nĩ. ²Ā tỹ ũn si há fag jyvĕn kỹ ěg tỹ ěg mỹnh fi jyvĕn ri ke han nĩ. Ā tỹ tátãg fag jyvĕn kỹ ěg tỹ ěg ve fi jyvĕn ri ke han nĩ. Ā tỹ fag jyvĕn kỹ vĕnh ki rĩrmnĩ, ã tỹ fag to ěn tũ nĩ jé.

Ū tỹ hĕ nỹ ũn mĕn ter ja fag ki rĩr ke mũ

³Ū fag mĕn vỹ ter, hã ra tóg tũ tĩ, ũ tỹ fag ki rĩr ke ti. ěn fag ki rĩrmnĩ. ⁴Ūn mĕn ter ja ũ fag krĕ vỹ nỹtĩ, fag krĕ!krĕ mré hã. Kỹ fag krĕ hã vỹ fag ki rĩr ke mũ!. Ag tỹ ãjag mré ke fag jagãgtãn kỹ tóg há tĩ, ũ tỹ ag han mũ fag. Ag tỹ gĩr nỹtĩ kã fag tóg ag jĕl'yn ja nĩgtĩ, kỹ ag tóg vĕnh kaja jé fag jĕl'yn mũ ha. Topě jykrén hã vĕ, tag vỹ ti mỹ há nĩ. ⁵Hã ra ũn mĕn ter ja ũ fag vỹ krĕ tũ nỹtĩ, kỹ ũ tỹ fag jĕl'yn ke tóg tũ tĩ gé. Kỹ Jesus ki ge mũ kar ag vỹ fag jĕl'yn ke mũ, fag tỹ Topě hã ki nén ũ kar ve sór kỹ, ti mré vēmén kỹ, ti hã mỹ nén ũ kar to vĩ kỹ. Fag tỹ tag to krónh kenh ke tũ vĕ, kurã mré hã, kuty mré

hã ke gé. ⁶Fag tỹ hã ra ag to kanhir sór kỹ fag tóg vãnh jykre pãno han mũ, kỹ fag tóg mũ kónãn ke mũ. ⁷Tag tómnĩ, fag mỹ, fag tỹ tỹ prãnh ke tũ nĩ jé.

⁸Ã rãnrãj jafã tá ke ag kãmĩ ù tóg kejẽn ã mré ke fag ki rĩr tũ nĩ, ã ãn krẽm nỹtĩ fag. Ën vỹ Jesus ki rã tovãnh ja nĩ, ti tỹ fag ki rĩr ja tũ tũgrĩn. Kórég tãvĩ ti nĩ, tag ti. Û tỹ Jesus ki rã ja tũ kórég kãfór ti nĩ.

Û tỹ hẽ fag tỹ igreja ki rĩr ke

⁹Tã ùn mèn ter ja fag vỹ ãjag jiji rãnrãn sór mũ, fag tỹ igreja ki rĩr jé. Ûn si há fag jiji rãn nĩ, ù tỹ 60 anos kãfór nỹtĩ fag, ùn mèn pir han kỹ nỹtĩ ja fag. ¹⁰Vãnh kar tỹ fi jykre há ki kanhró nỹtĩn kỹ fi jyjy rãn nĩ, fi tỹ fi krẽ ki rĩr há han ja nĩn kỹ, fi tỹ kór há tá ke fag mỹ: “inh mré nĩnh kãtĩg,” he ja nĩn kỹ, fi tỹ ã ãn krẽm Topẽ tũ ag ki rĩr há han ja nĩn kỹ, fi tỹ vãnh kar jagãgtãn ja nĩn kỹ, ùn vèsỹrẽnh mũ ag, fi tỹ nén ù há kar to tar ja nĩn kỹ. Û tỹ ge fi jiji rãn nĩ.

¹¹Ûn mèn ter ja ù fag vỹ si há tũ nỹtĩ ver, kỹ fag jyjy rãn tũg nĩ. Fag tỹ ù to én kỹ fag tóg Cristo tovãnh kỹ mèn sór mũ. ¹²Kỹ tóg vẽnhmỹ tĩnh mũ, fag tỹ fag jiji rãn ja nĩn kỹ, hã vỹ: “mèn mãn ke tũ inh nĩ ha, sỹ Cristo tũ hã ki rĩr jé,” he mũ. Fag mèn sór kỹ fag tóg fag vỹ tag mranh mũ sir. ¹³Kỹ fag tóg rãnrãj tũ nỹtĩn kỹ fag tóg ãn kar mĩ pasa he sór mũ, ha vemnĩ, kỹ fag tóg fagrĩnh mỹ vēmén ke mũ gé sir. Vãnh kar tỹ nén han mũ tỹ fag tóg vēmén sór mũ, ha vemnĩ. Nén tó vãnh tó jé fag tóg ke mũ gé. Kỹ tóg há tũ nĩnh mũ. ¹⁴Hã kỹ tóg há tĩnh mũ, fag mèn mãn kỹ, ùn mèn ter ja tỹ gĩr fag. Fag tỹ krẽ ve kỹ tóg há tĩ. Fag tỹ fag ãn ki rĩr há han kỹ tóg há tĩ gé. Kỹ ù tỹ ãg mỹ fag to vỹ sór mũ ra tóg ag mỹ vẽnhmỹ tĩnh mũ, ha vemnĩ. ¹⁵Ha vé, ù fag vỹ Cristo tovãnh huri, ùn mèn ter ja tỹ gĩr ù fag, kỹ fag tóg Satanás jykre han mũ sir. Kỹ tóg kórég nĩ.

¹⁶Tã ke fag kãmĩ ù ãn krẽm ùn mèn ter ja ù fag vỹ nỹtĩ. Fag hã vỹ fag jẽ'ỹn ke mũ. Fag tỹ fag mỹ: “Jesus ki ge mũ ag tỹ ã jẽ'ỹn kỹ tóg inh mỹ há tĩnh mũ vẽ,” henh ke tũ vẽ. Ke tũ nĩ mũ ra Jesus ki ge kỹ nỹtĩ ag vỹ ù tỹ hẽn ri ke fag ki rĩr ke mũ, kỹ fag jẽn vỹ fag kã kyn kenh mũ, fag tỹ e nỹtĩn kỹ. Jesus ki ge mũ ag vỹ ùn mèn ter ja tỹ ge hã ki rĩr ke mũ, hã vỹ: ùn kanhkã tũ, ùn krẽ tũ, he mũ.

Jesus ki ge kỹ nỹtĩ ag tỹ igreja to pã'i ag jẽ'ỹn ke

¹⁷Tã ke ag kãmĩ ù tóg tỹ pã'i nỹtĩ, igreja to. Ag tỹ ag rãnrãj ki rĩr há han kỹ ag tóg ãg mỹ tỹ ùn mág tãvĩ nỹtĩ. Igreja to pã'i ag kãmĩ ù tóg igreja ki kã ag kanhrãn tĩ, Topẽ vỹ tĩ, kỹ ag tóg to krónh ke tũ nĩgtĩ. Tag ag vỹ tỹ ãg mỹ ùn mág tãvĩ nỹtĩ. Ag tỹ igreja krẽm ùn kanhrãn tĩ ag jé ag mỹ kajãm mág, ù tỹ ag kanhrãn tĩ ag mỹ. ¹⁸Tag vỹ rãn kỹ nĩ, ag to, ha mẽ: “monh tỹ ãkrẽ jãnkre ki rãnrãj kỹ ti jẽnky tógfĩn tũg nĩ, ti jẽn kamẽg tũg nĩ,” he ja tóg nĩ, Topẽ vỹ rãn ki. Kỹ tag vỹ rãn kỹ nĩ gé: “ùn rãnrãj mũ ãn tóg ti kaja venh ke mũ, ã rãnrãj kaja ti,” he ja tóg nĩ gé, Topẽ vỹ rá ki. Ti tỹ ãg tỹ Topẽ vỹ tó tĩ ag mỹ kajãm to ken hã vẽ, ãg tỹ Jesus ki ge kỹ nỹtĩn kỹ.

¹⁹Û tóg kejẽn ã mỹ igreja to pã'i jykre kórég tó sór mũ. Ûn régre ag tỹ ti jykre kórég ve ja nĩn kỹ ã mỹ tó kỹ ag vỹ jēmẽmnĩ, ke tũ nĩn kỹ ùn

tägtũ ag vī ti. Ũn pir vī jēmē sór tũg nĩ. ²⁰Pã'li ũ tỹ kygnē kỹ vēnh kar rĩnve ti jyvēn nĩ, vēnh kar tỹ ti mré ěg tỹ kygnēg tĩ ěn kamēg jé.

²¹Tag han ra, ha mē. Ker han tũg hē!. Topē vỹ ā tỹ nēn han mũ vėg tĩ, Jesus Cristo ti ke gé, Topē tỹ jēnē jafā ag ke gé, Topē tỹ ũn kuprėg ja ag. Ti hỹn ā mỹ jagy nỹ, sỹ ā mỹ tó mũ tag. Hā ra vēnh kar mỹ vēnh jykre pir han nĩ. Ũ to: “ti tỹ iso há nĩn kỹ sóg ti mỹ vī tar han sór tũ nĩ, ti tỹ kygnē ja ra,” he sór tũg nĩ. Ge ra ti jyvēn tar han nĩ. ²²Kỹ kãnhmar ũ kri ā nĩgė fi sór tũg nĩ gé. Ti tỹ ā tỹ Topē vī mranh ja ěn tovãnh kãn ja tũ nĩn kỹ ā tóg ti mré mranh mũ, ā tỹ ge ra ti kri ā nĩgė fi kỹ, ti vī mranh tỹ ver ti kãkã nĩn kỹ. Kỹ vėso jykrén nĩ gé, ā jãnhkri kar jē jé.

²³Goj tãvĩ kron sór tũg nĩ. Sĩn kỹ vinho kron nĩ. Vēnh kagta vē ā mỹ, ā kaga nĩn kỹ, ā tỹ fe kórėg (ka)mē nĩn kỹ.

²⁴Ũ ag tóg Topē vī mranh pē han tĩ, kỹ vēnh kar tóg ag vėg tĩ. Topē vỹ ag vóg kónãn ke mũ, ag tỹ ti vī mranh pē han to. Ũ ag tóg vēnh péju kỹ mranh tĩ. Ag tỹ Topē vī mranh mũ ěn vỹ vēnh ven ke mũ gé kejēn, ha vemnĩ. ²⁵Ge ti nĩ gé, vēnh jykre há mré. Vēnh kar vỹ vėg mũ, ũ tỹ vēnh jykre há han mũ ti. Kejēn ũ tóg nēn ũ há han tĩ, hā ra tóg vēnh péju kỹ han tĩ. Vēnh ven jé tóg ke mũ gé, ti tỹ han mũ tag ti.

Patrão camarada jykre

6 ¹Tá ke ag kãmĩ ũ tóg tỹ patrão camarada nỹti. Kỹ ũ ag patrão vỹ Cristo ki kagtũg nĩ. Ti camarada ag mỹ kemnĩ, ag tỹ ajag patrão kamēg jé, ag tỹ ag patrão tũ ki rĩr há han jé. Kỹ ũ tóg ěg to vĩnh ke tũ nĩ, Topē to, ti vī to, ag tỹ vēnh jykre há han kỹ. ²Ũ ag patrão vỹ Cristo ki rã ja nĩ. Ti camarada ag mỹ kemnĩ, ag tỹ ti to é he tũg jé. “Inh mré ke vỹ tỹ ti nĩ, inh patrão ti, ti tỹ Cristo ki rã kỹ. Kỹ inh hỹn ti vī han ke tũ nĩ,” he tũg nĩ. Ti tỹ ěg mré Jesus ki rã kỹ Jesus vỹ ti to há nĩ. Kỹ tóg ũn vėsýrėnh mũ ag jagãgtãn tĩ, ag patrão ti. Kỹ tóg há tĩ, ti camarada ag tỹ ti tũ ki rĩr há tãvĩ han kỹ. Tag tómnĩ, vēnh kar mỹ. Tag tỹ ag jyvēn nĩ.

Ōn kỹ Topē kãmén tĩ ag

³Ũ ag tóg vyrmỹ jykrén kỹ nēn ũ to sór tĩ. Topē vī rán kỹ nĩ ěn to sór tũ ag nĩgtĩ. ěg Senhor tỹ Jesus Cristo tỹ nēn to mũ ěn tovãnh kỹ ag nỹti ha, vēnh vī há ěn, Topē jykre ěn. ⁴“Ũn mág vỹ tỹ ěg nỹti,” he ag tóg tĩ. Hā ra ag tóg jykre tũ nỹti. “Topē hỹn tóg tag to sór mũ, ti tỹ ěn to kỹ,” he ag tóg tĩ, ón kỹ, ag tỹ ũ tỹ ag mỹ vēnh vī há to mũ ag kato tē sór kỹ. Kaga ag nỹti, krĩ vėnhmỹ ag nỹti, hā kỹ ag tóg fagrĩnh mỹ vī mũgtĩ. Ag vī tũgnĩn jagnē tũ ki vė'ĩ vỹ kutē tĩ, jagnē to jũ ke gé, jagnē to vī kónãn, jagnē to jykrén kónãn, ⁵jagnē to fėfėn ke gé. Krĩ tũ nĩ ve ag nỹti. Vēnh vī há ki kagtũg ag nỹti. Kỹ ag tóg ón kỹ Topē kãmén to ricon sór nỹti. ⁶Hỹ, Topē to ěg rico nỹtĩnh mũ, ěg tỹ ěprã ricon sór tũ nỹtĩn kỹ. ⁷Ha vé, ěg mur kỹ ěg tóg tỹ nēn ũ tũ mur, kỹ ěg ter ken kỹ ěg tóg nēn kar tovãnh kỹ tũg mũ gé. ⁸Kỹ tóg há tĩ, ěg tỹ ũri vėjēn mré ěg kur ven kỹ, tag tãvĩn. ⁹ěg tỹ rico nỹti sór kỹ tóg inh mỹ ěg tỹ Topē vī mranh ha mē tĩ. Kãnhmar ěg tóg nēn ũ to ěn!, nēn ũ to ěn! he tĩ,

kỹ tag tóg inh mỹ ãg kókén ha mẽ tí. Kĩ ãg tag to nũgme ki vár ke mũ. Pi(jé) há nĩ. ¹⁰Ëg tỹ jänkamy mág to én kỹ ãg tóg nén ù kórég kar han sór tí. Ka järe kórég ri ke ti ni, ãg tỹ jänkamy mág ve sór mũ ti. Vẽnh jykre kórég vẽ. Tag to ù ag tóg Jesus ki rã tovãnh huri, kỹ ag tóg vësỹrénh mũ ha, ag tỹ jänkamy mág to há nỹtĩ tugnĩn.

Ã rãnhràj ki rĩr há han nĩ

¹¹Ag jãvo ã há vỹ tỹ Topẽ tũ nĩ. Kỹ vẽnũ jykre kórég tag tovãnh kãn. ã tỹ nén han ken há vẽ, há vỹ: vẽnũ jykre kuryj, he mũ, Topẽ kamẽg mũ, he mũ, ti ki rã kỹ tí, he mũ, vẽnũ kar to há nĩ, he mũ, vẽnũ kar to fen nĩ, he mũ, komẽr há vĩ, he mũ gé. ¹²Ëg tỹ ti ki rã kỹ ãg tóg ti jykre to vãsãnsãn ke mũ, ãg tỹ ka kunũnh sór kỹ to vãsãn ri ke. To tar nĩmnĩ, ã tỹ ãg rĩr krỹg ja tũ ve jé. Tag há to tóg ã jé prẽr, Topẽ ti. Kỹ ã tóg vẽnũ kar mỹ tó ja nĩ gé, kurã ãn kã. Ûn e ag vỹ ã vĩ ãn mẽgmẽ. Kỹ to tar nĩmnĩ.

¹³Sỹ ã jyvẽn sór vẽ, kỹ Topẽ vỹ mẽnh mũ. Ti há ne nén kar rĩnrĩr han tí, Topẽ ti. Kỹ Jesus Cristo vỹ inh vĩ mẽnh mũ gé. Ti há ne vẽnũ kãmén há han', pã'i tỹ Põncio Pilatos ãn mỹ. ¹⁴Sỹ tag tó sór vẽ, ã mỹ, ha mẽ: ã rãnhràj ki rĩr há han nĩ. To krónh ke tũg nĩ, to kygnẽ sór tũg nĩ gé. Tag han kỹ ãg Senhor tỹ Jesus Cristo tỹ vỹn ke ãn jãvãnh nĩ. ¹⁵Ti kurã ki Topẽ vỹ ti mỹ: "ha tĩg," henh ke mũ. Topẽ vỹ ã pir mỹ tỹ nén ù kar kri ke nĩ. Kỹ ãg tóg ti há mỹ vĩ há han ke mũ. Pã'i kar kri tóg tỹ pã'i nĩ. Ûn mág kar kri tóg tỹ ùn mág nĩ. ¹⁶Ti há ne ã pir mỹ ter ke tũ nĩ. Ti há ne jẽngrẽ kãkã nĩ nĩ, tá ãg jun ke tũ nĩ. Ëprã ke ù vỹ ti ve ja tũ nĩ gé, kỹ ãg tóg ti venh ke tũ nĩ gé, ãg tỹ tỹ ãg rĩr ke nỹtĩn kỹ. Ti há ne tỹ ùn mág nĩ. Ti há ne tar nĩ. Tũg' he jãvãnh ti nĩ, ti tỹ tỹ ùn mág nĩ ti. Amém.

Ëprã ùn rico ag

¹⁷Ëprã ùn rico ag mỹ tómnĩ, ag tỹ vësõ: "tỹ inh ùn rico mág nĩ," he tũ nĩ jé. Kỹ tóg há tũ nĩ gé, ag tỹ: "isỹ nén ù kar tỹ tũ nĩn kỹ isóg nén ù jagy venh ke tũ nĩ," hen kỹ. Ag rico vỹ kãnhmar tũg' henh mũ. Ag jé Topẽ há ki nén ù kar ve sór. Ti há vỹ ãg mỹ nén ù kar nĩm tí, ãg fe tỹ mrin ken jé. ¹⁸Ûn rico ag jé vẽnũ jykre kuryj han, ag jé ãjag tũ tỹ vẽnũ kãpãm, ag jé ùn jagãgtar ag jagãgtãn to krónh ke tũg. ¹⁹Ag tỹ nén ù há kar han kỹ ag tóg kãnhkã tá rico nỹtĩnh mũ, kãnhkã tá ag tóg vin han ke mũ, ãjag tũ ti. Kỹ ag tóg ãg rĩr krỹg ja tũ venh ke mũ gé. ã tỹ ãg rĩr ùn rico ag mỹ tónh ken há vẽ.

²⁰Timóteo', ã tỹ Topẽ vĩ mẽ ja ãn kã jatu tũg nĩ, ki króm nĩ, to jykren kỹ. Û ag tóg fãgrĩnh mỹ vẽnũn mág han sór tí, ón kỹ vĩ (ka)mẽ han kỹ. Ón kỹ ag tóg: "vẽnũ vĩ há vỹ jãgnẽ kato tẽ tí," he tí, kỹ ag tóg Topẽ vĩ tỹ jãgnẽ kato tẽ ãn tó sór tí. Há ra ag tóg fãgrĩnh mỹ vĩ tí. Ag vĩ mẽ sór tũg nĩ. ²¹"Ki kãnhró ãg nỹtĩ," he ag tóg tí, há ra ag tóg Topẽ ki rã tovãnh huri. Kórég ag nỹtĩ.

Topẽ mỹ sóg to vĩ tí, ti tỹ ãjag tỹ ã to tar han jé.

Hã vẽ.